

PAROKYA:
MISYONERONG KATILINGBAN SA MGA KABUS,
GIGASAHAN ARON MOPAAMBIT



FORMATION
MODULES

TABLE OF CONTENTS

PASIUNA -----	1- 2
MORNING SESSION -----	3 – 6
Module I: Ang Pagkaginasahan sa mga Binunyagan sa Matag Parokya	
AFTERNOON SESSION -----	7 -12
Module II: Ang Parokya, Misyonerong Katilingban sa Mga Kabus, Gigasahan Aron Mopa.ambit	
DUGANG GIYA SA PAGPASAYON -----	13 -15
SA PAGGAMIT NIINING MODULES	
MISSION PRAYER -----	16
ISANGYAW TA -----	17 – 18
(Official Theme Song for Parish Mission Congress	

PASIUNA

Ang atong Artsidyosesis anaa sa talagsaong kahigayonan sa paghandum ug pafsaulog sa gasa sa unang bunyag, timaan sa gasa sa pagtoo nga nahia bot dinhi. Sa samang higayon, nangandam usab ang atong local nga Simbahan alang sa sa National Mission Congress sa Abril 2022.

Uyukan niining maong mga kasaulogan, nakauyon ang mga nagdumala kanato isip Simbahan, pinangulohan sa atong talahurong Arsobispo sa Sugbo, Jose S. Palma, DD, nga mopahigayon og mga kalihukan sa padayon nga paghulma kanato isip mga sumusunod ni Kristo. Taliwala niining atong panahon kansang mga hitabo ug kasinatian samag mga timaan nga nagpunting sa kangitngitan, kita gihagit sa pag-atubang niini isip katawhan nga may pagtoo, paglaum ug paghigugma sa Ginoo nga padayon nakighiusa kanato.

Kining pipila ka mga pahina gitumong nianang tahas sa padayon nga paghulma kanato. Adunay duha ka modules aron mapasayon ang paghulma sa mga parish mission facilitators ug sa mga parokyano, ilabi na sa mga kabus. Ingon man, ang maong mga modules magamit sa pagpahigayon sa **parish mission congress**. Ang duha ka mga modules pinasubay sa nasabutan ug naaprobahan nga mga tema sa atong Artsidyosesis alang sa parish ug Archdiocesan Mission Congress: “Parokya: Misyonerong Katilingban sa mga Kabus, Gigasahan Aron Mopaambit.”

Ang unang module giulohan ug “Ang pagkaginasahan sa mga Binunyagan sa Matag Parokya” nga gitumong aron ang mga mission coordinators ug facilitators ingon man ang uban pang mga partisipante makahingalan ug makaangkon sa ilang pagkaginasahan isip mga binunyagan. Sa atong paghandum sa unang bunyag dinhi sa Sugbo sa Ika-500 nga kasumaran niini sa tuig 2021, angayan lamang gayod nga atong hinumdoman ag palawman ang atong pag-angkon ug pagsabot sa maong sakramento.

Ang ikaduhang module mao ang pagtuki sa tema “Parokya: Misyonerong Katilingban sa mga Kabus, Gigasahan Aron Mopaambit.” Kini maoy pagtutok-pamalandong sa kamatuoran nga ang matag ang matag Parokya isip gigasahan, moangkon sa kaakuhan nga siya usa ka misyonerong katilingban nga, sama kang Hesus, unahaon ang mga kabus.

Ang pag-una sa mga kabus diha sa misyonerong kaakuhan sa matag Parokya dili lamang alang sa katuyoan nga masangyaw ang Ebanghelyo ngadto kanila. Kini usab gitumong aron ang matag Parokya u gang Simbahan padayon nga makakat-on gikan sa mga kabus ug ang ilang tingog madungog sa mga nagdumala sa Parokya ug Simbahan. Sa pagpaminaw sa ilang tingog sila mahilambigit sa mas aktibong pagdumala sa matag Parokya ug sa kinatibuka-ang katawhan sa Ginoo.

Maghiusa kita sa pag-angkon sa atong pagkamisyonerong Parokya ug Simbahan! Padayon kitang mokat-on gikan kang Hesus, ang Misyonerong sa Amahan, kansang kabanhawan naghatag kanato sa Espiritu aron madasig kita sa pagpadayon sa Diosnong misyon sa mga kabus.

Sub-Committee on Parish and Archdiocesan Mission Congress

Morning Session

Module I: Ang Pagkaginasahan sa mga Binunyagan sa Matag Parokya

Mga Tumong Niining Unang Module:

1. Aron ang mga partisipante makahinumdom ug makaangkon (cognitive) sa pagkaginasahan sa usag usa, ug makahingalan (name) niining mga gasa, sama sa gasa sa kinabuhi, pagtoo, debosyon, etc.
2. Aron ang mga partisipante kinasingkasing makadayeg (affective) sa mga gasa nga anaa sa matag usa isip mga sakop sa Simbahan.
3. Aron ang mga partisipante magbaton sa kinaiyang mapasalamaton ug mabuhaton kanunay (doing aspect) sa mga maayong buhat diha sa panimalay ug sa matag parokya.
4. Aron ang mga partisipante mapangumusta sa ilang kasinatian isip sakop sa ilang Parokya.

Suhestyon (Suggestion) sa Mga Lakang o Pamaagi sa Pagpahigayon sa Kalihukan: (Ang facilitator/s makamugna usab og mga lakang ug mga pamaagi nga iyang makita nga makatabang sa mga partisipante.)

1. Pag-abi-abi sa mga partisipante gikan sa ilang pag-abot (registration) hangtod sa pagsugod sa mga kalihukan sa mao nga adlaw.
2. Makatabang kon adunay background music sama sa awit sa tema sa misyon ug uban pang mga alawiton samtang nagsingabot ang mga partisipante.
3. Makatang usab sa pagpahigayon kon adunay visual aids pinaagi sa power point presentation o sa Manila paper diin isulat ang mga punto sa pagpaambit.
4. Mga giyang pangutana aron mahinganlan ang mga gasa nga anaa sa matag partisipante:
 - a. Unsa man ang mga gasa nga akong nadawat gikan sa Espiritu Santo sa akong pagkadawat sa sakramento sa bunyag?

- b. Gihatagan ba nako og bili ang mga gasa nga akong nadawat pinaagi sa sakramento sa bunyag?
 - c. Sa akong pagkabinunyagan, gipuy-an ba nako ang Katoliko-Kristyanong pagtoo ug nahilambigit ba ako sa kinabuhi sa Simbahan ug sa katilingban?
5. Isip mga Katoliko-Kristyano, ang labing importanteng gasa mao ang gasa sa pagtoo, nadawat pinaagi sa bunyag, unang gisaulog dinhi sa Sugbo satuig 1521.
 6. Uban sa gasa sa bunyag mao ang pagkadawat sa mga Sugboanon sa imahen sa Batang Hesus, ang Santo Nino, ang Ginoo nga nagpakatawo.
 7. Mogahin og panahon sa paghilom (mga lima hangtod sa napulo ka minute) aron sa pagpamalandong sa mga pangutana.
 8. Pag-inambitay (Group Sharing). (Ang gitag-on sa panahon sa pag-inambitay mag-agad sa gidaghanon sa sakop sa matag grupo).
 9. Pwede nga ang resulta sa pag-inambitay sama tag grupo ireport sa kinatibuk-ang grupo.

Dugang Pagpasabot o Pagpalawom:

A. Pag basa sa Balaang Kasulatan: Suggested Text: I Cor. 12:5-6 (Ang Espiritu Santo mao ang tinubdan o sinugdanan sa tanan ug nagkalain-laing mga gasa.)

B. Isunod ang Pagpasabot sa Gasa sa Bunyag

Unang Bunyag sa Sugbo: Timaan sa Pagsugod sa Pagkadungog sa Mensahe sa Pagtoo.

Ang gasa sa paghiabot sa Katolikanhong pagtoo dinhi sa Sugbo gisimbolohan saunang bunyag. Atong sabton ug lab-ason kining maong sakramento isip simbolo o timaan sa sinugdanan nga pakighinagbo nato pagtoong Katoliko:

- Ang gasa sa unang bunyag dugokang gasa nga atong nadawat dinhi sa Sugbo, nagtimaan nga nahiahot nganhi kanato ang mensahe ni Hesus sa gingharian sa Ginoo.

- Ang bunyag timaan sa pagdawat sa gasa sa pagtoo sa Simbahan. Ang maong sakramento pundasyon man sa Kristohanong kinabuhi.
- Ang bunyag pultahan sa kinabuhing ispiritwal ug maoy unang sakramento nga maghimo kanatong takus sa uban pang mga sakramento.
- Pinaagi sa bunyag nakalingkawas kita sa sala ug natawo pag-usab isip mga anak sa Dios ug nahimong sakop sa Simbahan nga mao ang lawas ni Kristo, diin kita gipaambit sa iyang misyon.
- Ang pagtuslob sa tubig (o ang pagbubo sa tubig saulo) sa gibunyagan nagpahinumdom kanato nga gilubong kita diha sa kamatayon ni Kristo apan mabanhaw ra usab kita pinaagi sa iyang pagkabanhaw.
- Matud pa ni San Pablo ngadto kang Titus: ang paghugas aron mabag-o diha sa Espiritu Santo nahitabo tungod kay ang Bunyag nagkahulugan nga kita natawo pag-usab diha sa Espiritu Santo.
- Matud pa ni Hesus: hangtud dili kita matawo pag-usab pinaagi sa tubig sa bunyag ug diha sa Espiritu, dili nato matagamtaman ang gingharian sa Ginoo.
- Nahayagan kita pinaagi sa bunyag, kay atong nadawat ang pulong sa Dios, ug nahimo kitang mga anaksa kahayag.
- Diha sa bunyag atong gisalikway ang sala, ang dautan, si Satanas ug ang tanan niyang mga binuhatan.
- Diha sa bunyag atong gipadayag ang atong pagtoo sa Dios: Amahan, Anak, ug Espiritu Santo, sa Iyang Simbahan, etc.
- Pinaagi sa bunyag atong nadawat ang timaan nga kita Katoliko-Kristyano ug nahimong mga misyonerong sakop sa Simbahan.

Ang Gasa sa Unang Bunyag Dinhi sa Sugbo Giubanan sa Gasa sa Imahen sa Santo Nino.

- Nalambigit gayod sa lawom nga pamaagi ang gasa sa unang bunyag dinhi sa Sugbo ug ang gasa sa imahen sa Santo Nino, ang imahensa Dios nga nagpakatawo.

Karon sa atong panahon, dayag kayo alang kanato ang atong pagpasidungog sa Ginoo pinaagi sa atong debosyon sa Dios nga nagpakatawo nga gitimailhan sa imahen sa Santo Nino.

- Ang atong pagtan-aw, paghikap sa imahen, pagsayaw ug pagpangamuyo ngadto sa Ginoo nga nagpakatawo nga gitimailhan sa Sto. Nino magdala kanato ngadto sa pagkaamgo nga kita gitahasan sa pagpadayon sa Misyon sa Ginoo diha sa atong mga Parokya.

AFTERNOON SESSION

Module II: Ang Parokya, Misyonerong Katilingban sa Mga Kabus, Gigasahan Aron Mopaambit

Mga Tumong Niining Ikaduhang Module:

1. Aron ang mga partisipante makasabot ug makaamgo nga ang gasa sa pagtoo nga nadawat padayon nga puy-an ug ipaambit ilabi na ngadto sa mga kabus sa matag parokya.
2. Aron ang mga partisipante kinasingkasing nga moangkon nga sila sakop sa ilang Parokya ug walay hunong nga gitahasan sa pagmisyon ngadto sa mga kabus nga sakop sa Parokya. Kon aduna nay gibuhad diha sa Parokya, unsa may nakita nga kakulangan?
3. Aron ang mga partisipante makahimo og mga mapadayonong lakang diha sa mga Parokya nga motubag sa kongkretong kahimtang sa mga kabus.

Mga giyang pangutana nga pwede gamiton sa group sharing:

1. Unsa may imong nakita ug nasinati nga mga pagpahigayon sa misyon sa Parokya? Unsay nakita nimo nga kakulangan sa pagpahigayon sa misyon diha sa Parokya?
2. Aduna bay mga pagpaambit sa Maayong Balita ngadto sa mga kabus?
3. Unsa ang mga kongkretong programa sa Parokya aron pagtubag sa panginahanglanon sa mga kabus (lawasnon ug espirituhanon?)
4. Pwede nga ang resulta sa pag-inambitay sa mga grupo ipaambit sa kinatibuk-ang grupo.

Pagpalawom:

A: Pamahayag sa Maayong Balita (Ebanghelyo):

Sumala sa Maayong Balita, ang mga Kabus ang Unang Gihatagan og Pagtagad ni Hesus Sa Iyang Misyon:

- Sa Ebanghelyo sumala ni San Lucas siHesus namahayag nga “Ang Espiritu sa Ginoo ania kanako. Gidihugan ako niya aron pagsangyaw sa Maayong Balita sa mga kabus, gipadala ako niya aron pagsangyaw sa kagawasan ngadto sa mga binihag, ug pagpahiuli sa panan-aw sa mga buta, pagpagawas sa mga dinaogdaog, ug pagpahibalo sa tuig nga ang Ginoo moluwas sa iyang katawhan” (Luke 4:18:24).
- Sa mao gihapong Ebanghelyo, si Hesus namahayag nga “Bulahan kamong mga kabus, kay inyo ang gingharian sa Ginoo” (Luke 6:20).
- Sa Ebanghelyo sumala ni San Mateo, si Hesus mitudlo sa katawhan diha sa pag-ingon: “Bulahan ang mga kabus sa espiritu, kay ila ang gingharian sa Ginoo” (Matthew 5:3).
- Dugang nga mga pamahayag sa Ebanghelyo nga pwedeng gamiton mao ang Lk. 10:25-37 (Parable of the Good Samaritan) ug ang Mt. 25:31-46 (The Judgment of the Nations).
- Kini pipila sa mga pamahayag sa Balaang Kasulatan nga ang mga kabus mao ang unang gihatagan og pagtagad ni Hesus. Nanukad sa iyang pag-una sa mga kabus ang pagtawag niya sa dili mga kabus aron usab mabag-o o mausab ang ilang mga kasingkasing.
- Ang pag-una ni Hesus sa mga kabus mao ang iyang gipili nga pamaagi sa pagpahigayon niya sa iyang misyon.

B:Kinaiya sa Mga Gigasahan sa Bunyag ang Mopaambit sa Gasa nga Nadawat Pinaagi sa Paghatag og Unang Pagtagad sa mga Kabus.

- Isip gigasahan sa gingharian sa Ginoo nga gisimbolohan saunang bunyag mopadayag kita isip usa ka Parokya niining maong gingharian. Kining pagpaambit atong hatagan ug pagtagad diha sa **duha ka punto:**

B.I: Ang unang punto mao ang paghatag og unang pagtagad o pagdapig sa mga kabus diha sa atong parokya:

- Giawhag kita nga ang unahon sa kanunay mao gayod ang mga kabus ug hinikawan sa atong Parokya.
- Kon atong unahon ang mga kabus, wala magpasabot nga walaylabot ang adunahan.
- Atong unahon ang mga kabus tungod kay sila man ang giuna ni Hesus. Siya miuna sa paghigugma sa mga kabus. Siya mismo nagkinabuhi isip usa ka kabus, nakig-uban kanila, nakigduyog siya sa mga kabus.
- Kinsa man ang mga kabus? Sa panahon ni Hesus sila ang mga walay nahut, kabus sa aspetong materyal, mga walay tingog sa katilingban, mga biyuda, ilo, mga gagmay sa katilingban, mga masakiton, mga makasasala, etc.
- Sa atong panahon karon anaa gihapon kining maong lain-laing hulagway sa mga kabus.
- Apan mas nadungagan pa ang hut-ong sa mga kabus sa atong panahon. Anaa ang mga biktima sa inhustisya og pagpanglupig samasa extra-judicial killings, mga contractual laborers, mga batang trabahante, mga pamilya nga nagkalagyo tungod sa paglangyaw aron makatrabaho, mga katigulangan, mga kababayan-an nga ginatan-aw nga second class kon ikumpara sa mga lalaki, etc.
- Sa ubang bahin sa atong nasud, anaa ang mga bakwit, mga lumad nga giakusahan nga mga rebelde, mga biktima sa katalagman, etc. Anaa usab ang mga katilingban nga napapas tungod sa mga pagmina. Sa kalibutan, usa sa dako nga hut-ong sa mga kabus mao ang mga migrante.
- Ang paghatag og unang pagtagad sa mga kabus sa atong Parokya nagpasabot lamang nga kita maghuna-huna og kongkretong mga lakang aron ngadto kanila atong mapadayag ang gingharian sa Ginoo.

B.II: Ang ikaduhang punto mao ang pag-alim, pag-ayo ug pagpanalipod sa kabus nga kinaiyahan diin nahisakop ang atong Parokya.

- Karon ang atong kinaiyahan kabus usab. Kini ang pamahayag ni Papa Francisco sa iyang encyclical “**Laudato Si**”.
- Nag-agulo ug nag-antos ang kabus nga kinaiyahan tungod sa tawhanong pag-abuso. Padayon natong nasinati ang epekto sa pagkausab sa klima sama sa sobrang kainit, o lab-anan usab nga mga pag-ulan, pagkadaot sa mga gasa nga anaa sa kadagatan, kabungturan, kapatagan, etc. Daghan kayo sa atong mga kaigsoonan nga naapektuhan ug nag-antos sa mga pagbaha, priming kusog nga bagyo, lab-anang kainit, ubp.
- Ihon ug tan-awon ta ang nagkalain-laing matang sa ka kabus sa kinaiyahan diha sa atong mga Parokya.
- Mga pananglit: kumusta ang paghipos sa mga basura diha sa Parokya? Aduna bay mga pagbaha o uban pang mga kalamidad nga nasinati niini? May mga dapit o sakop sa Parokya nga angayan nga hatagan og proteksyonsama sa mga water sheds, ubp.?
- Taliwala sa tawhanon ug kinaiyanhong ka kabus, kita isip binunyagan adunay moral nga kaakuhan nga atubangon ang maong ka kabus ug sa taliwala niini mapadayag ang paghari sa Dios.
- Mamalandong kita sa mga kongkretong pamaagi aron atong mapaambit ang gasa sa gingharian sa Ginoo nga gisimbohohan sa atong pagkabinunyagan pinaagi sa paghatag ug unang pagtagad sa mga kabus (tawo ug kinaiyahan) diha sa atong Simbahan ug katilingban.

C: Pamahayag sa Pagpadayon sa Misyon sa Matag Parokya:

- Ang mga partisipante sa matag Parokya gidasig nga makahimo og usa ka pamahayag sa padayon nga pagpahigayon sa misyon ngadto sa mga kabus pinaagi sa mga buhat pagsangyaw ug mga buhat nga motubag sa lawasnon ug espirituhanong panginahanglan sa mga kabus nga mga sakop.
- Apil sa maong pamahayag mao ang padayon nga pagtubag sa ka kabus sa kinaiyahan ug pagpangita og kongkretong mga lakang aron makatampo sa pag-alim sa nasamdan nga kinaiyahan.
- Kining pamahayag sa pagpadayon sa Misyon sa matag parokya nanukad sa pag-ambit sa matag binunyagan sa pagkapari, pagkahari, ug pagka-propeta ni Kristo.

- Ang pag-ambit sa pagkapari ni Kristo mahatagan og tukmang bili diha sa mga kasaulogan sa liturhiya ug sa mga sakramento.
- Ang pag-ambit sa pagkahari ni Kristo mahatagan og tukmang bili diha sa kongkretong mga lakang sa pag-inalagaray sa usag-usa ilabi na ngadto sa mga kabus. Ang mga kabus makakat-on usab sa ilang mga kaakuhan isip sakop sa Simbahan.
- Ang pag-ambit sapagka-propeta ni Kristo mahatagan og tukmang bili diha sa mapadayonon nga pagpadayag sa Maayong Balita sa Gingharian sa Ginoo taliwala sa mga kahadlok, kahangawa, ug uban pang mga hagit batok niini sa nagkalainlain nga konteksto diha sa Simbahan ug sa katilingban.

(Tips for Facilitators [Mga Tips Alang sa Mga Tigpahigayon]):

1. Kining duha ka mga modules pwede kaayong i-adjust o ihaom sumala sa nakitang angay nga ipahaom sa matag Parokya, ug nagadepende ang pagpahaom kon kinsa ang mga partisipante. Ang gidaghanon sa mga sakop sa small-group sharing mag-agad sa gidaghanon sa mga partisipante.
2. Ang gihunahuna sa mga naghan-ay niining mga modules nga maoy unang hatagan niini mao ang mga leaders sa mga Parokya nga pwedeng mahimong mga mission formation animators unya didto sa mga kapilya nga sakop sa Parokya.
3. Kon ipadagayday na kining maong mga modules ngadto sa mga sakop sa kapilya, ang mga facilitators o mga tigpahigayon angayan nga mohimo ug mga pamaagi aron mas masabtan pa sa mga ordinaryong partisipante ang mga dugokang mensahe niining duha ka modules.
4. Diha sa mga sharing, ang mga facilitators o tigpahigayon maantigo nga mohimo og summary sa mga punto nga migawas sa pag-inambitay.
5. Anaa sa mga tigpahigayon ang paghimo og dugang nga mga lakang sa pagpahigayon sumala sa nakita nilang panginahanglan.

Dugang Giya sa Pagpasayon sa Paggamit Niining Modules

Palihug basaha ang mga punto sa inyong paggamit niining formation modules:

Mga Punto Mahitungod sa Paghulma:

1. Ang inyong gigunitan nga hamubo nga formation modules nga giulohan “**Parokya: Misyonerong Katilingban sa mga Kabus, Gigasahanaron Mopaambit**” gihan-ay sa Sub-Committee on Parish and Archdiocesan Mission Congress isip giya sa mga kaparian ug sa mga layko nga mga maghuhulma sa pagpangandam sa pagpahigayon sa parish mission congress.
2. Sumala sa gipadala nga han-ay sa mga kalihukan sa imaging tuig sa wala pa ang pandemya, ang atong mga episcopal vicars mopili og usa kapari sa ilang distrito ug mga district mission core group members (pito, labing ubos, nga mga sakop ba kaha sa mga relihiyosa ug relihiyosong grupo o mga layko nga mga maghuhulma) nga maoy unang mokat-on ug mogamit niining simple nga modules.
3. Ang district mission core group mao ang mopahigayon sa paghulma sa mga parish mission coordinators/animators. Ang matag Parokya mopili og labing ubos tulo ka parish mission coordinators/animators. Kining mga modules mao ang gamiton diha sa ilang mission animation sa mga Parokya ug sa pagpahigayon unya sa ilang parish mission congress.
4. Ang atong hamubo nga mga giya sa paghulma (formation modules) nagahatag og teyolohikanhong dugukan (theological grounding) sa atong mga pamalandong mahitungod sa gasa sa bunyag ug sa atong pagkamisyonerong katilingban sa mga kabus. Ang mga pari ug ang mga layko nga gitahasan sa paggamit niini mao ang nasayod sa sitwasyon sa matag Parokya ug sila ang mopahaom sa teyolohikanhong dugukan ngadto sa pastoral nga panginahanglan (pastoral content).

Mga Punto sa Pagpahigayon sa Matag Parokya sa Parish Mission Congress:

5. Sanglit ang panahon sa pandemya nagpugong man kanato sa dinaghan nga panagtigom ug sanglit nagadepende man ang gidaghanon sa panagtigom sa direktiba sagobyerno, ang pagpahigayon unya sa parish mission congress alang sa limitado lamang nga gidaghanon sa mga partisipante. Nag-agad kini sa desisyon sa mga pari ug sa mga lay leaders sa Parokya kon kinsa ang motabong isip mga representante sa lain-laing hut-ong sa ilang Parokya sama sa mga mag-uuma, mananagat, mamumuo, urban poor, rural poor, professionals etc.
6. Ang mga detalye sa pagpahigayon unya sa parish mission congress nagadepende sa matag Parokya. Usa kini ka adlaw nga kalihukan, sumala sa petsa nga gitakda sa Parokya. Adunay usa ka module sa buntag ug usa usab sa hapon.
7. Sa hapon, human sa ikaduhang module, ang parish mission congress magtinguha nga makakab-ot sa hiniusang panglantaw (vision) ug misyon (mission) sa matag Parokya.

Ang vision-mission statement angkonon sa mga partisipante nga sa Parokya gayod ug makatabang kini sa ilang pagpadayon isip Parokya.

8. Ang vision-mission statement posibleng makab-ot pinaagi sa pagpamalandong ug pagtubag sa mga pangutana:
 - Unsa may atong hiniusa nga panglantaw (vision) isip mga binunyagan ug katawhan sa Dios dinhi sa Parokya (**vision**)?
 - Unsa may mga kongkretong programa sa pagpadayon sa misyon sa atong Parokya isip usa ka misyonerong katilingban sa mga kabus(**mission**)?
 - Ipadala ang (vision) ug misyon (mission) sa inyong parokya ngadto sa PPB office o email sa ppbcebuarchdiocese@gmail.com or commissionmission@yahoo.com
9. Anaay lakip nga kopya sa awit “**Isangyaw Ta**” isip Official Theme Song sa Parish Mission Congress. Palihug ug check niini Sa You tube Channel sa Salesian Music Ministry alang sa animation ug tono sa maong awit
10. Anaa pud kitay Mission Prayer nga pwedeng gamiton sa parokya sa adlaw sa Parish Mission Congress

Ang Sub-Committee on Parish and Archdiocesan Mission Congress mapasalamaton kayo kaninyong tanan sa mainiton nga pagpahigayon sa mga kalihukan sa atong Simbahan dinhi sa Sugbo niining panahon sa atong pagsaulog sa unang panagtagbo sa mga lumulopyo ug sa mga langyaw.

Magauban kanato kanunay ang Amahan, Anak ug Espiritu Santo sa atong pagpahigayon sa maong mga buluhaton.

Matinahuron,

Sub-Committee on Parish/Archdiocesan Mission Congress

-

MISSION PRAYER

God, our loving Father,
You sent your Son into the world
To proclaim the Good News of Salvation to all:
To sinners, the poor, oppressed, the sick,
The abandoned and neglected.
He gave his life on the Cross for us
And rose again to new life
To redeem us and reconcile us with you.
You sent your Holy Spirit to the Apostles
To continue the work of your Son
And to lead all to salvation.

We thank you, Father,
For bringing us from darkness into light.
Through your loving plan, 500 years ago
Missionaries came to our land to proclaim
The Gospel of Jesus your Son to our ancestors.
That made us your people and the Church.
The gift of faith has accompanied us
Through both darkness and lights,
Defeats and victories of our history as your people.
Our faith has become for us true light
That shines in the darkness.

Renew in us the grace of your Spirit
That impels us to be witnesses of Jesus your Son,
To a world broken by greed, violence, injustice, sickness and suffering.
May our faith bring us to unity as your children
To care for and love one another.
May the Holy Spirit empower us
To be proclaimers of the Good News
To our brothers and sisters in Asia and to all nations.
Give us the sincere desire to help others
To come to faith in the Lord Jesus
To share in your joy and life.

May the Blessed Mother, the Star of Evangelization,
Accompany us and pray for us
As we live and share our faith with others.
May our strong love and devotion to her
As our *Mahal na Ina*
Form us to be true disciples

And witnesses of Jesus to all,
Always ready to be sent,
And to be obedient to whatever Jesus asks of us.

We ask this through Jesus Christ, your Son,
Who lives and reigns with you in the unity of the
Holy Spirit, God forever and ever. Amen.

“ISANGYAW TA”
Rev. Fr. Randy A. Figuracion,SDB

1. Ako, Ikaw, Kitang tanan managsuon;
Sakop sa dakong pamilya sa Diyos gipili.
Gipangga gitigom kita sa gugma.
Gitudluan kita pagtawag, Sa Diyos nga atong Amahan.

Isangyaw ta sa kalibutan, Isangyaw ang kamatuoran,
Isangyaw ta ang iyang kaayo, Isangyaw ta ang iyang gahum,
Isangyaw ta nga malipayon, Isangyaw ta ang Diyos uban kanato sa
adlaw nga tanan

2. Ako, ikaw, kitang tanan gitugyanan, Sa tahas nga iya sa Diyos
Gihagit, Gipadala, Gihimo kita nga saksi. Gihatgan kita’g kaisug,
Sa pag-ingon nga si Kristo buhi pa.

Isangyaw ta sa kalibutan, Isangyaw ang kamatuoran,
Isangyaw ta ang iyang kaayo, Isangyaw ta ang iyang gahum,
Isangyaw ta nga malipayon, Isangyaw ta ang Diyos uban kanato sa
adlaw nga tanan

Isangyaw ta sa kalibutan, Isangyaw ang kamatuoran,
Isangyaw ta ang iyang kaayo, Isangyaw ta ang iyang gahum,
Isangyaw ta nga malipayon, Isangyaw ta ang Diyos uban kanato sa
adlaw nga tanan

Isangyaw ta nga malipayon, Isangyaw ta ang Diyos uban kanato sa
adlaw nga tanan

I-SANGYAW TA! I-SANGYAW TA!

Isangyaw Ta

(Official Theme for the Parish Mission Congress)

Titik ug Musika ni:
Rev. Fr. Randy A. Figuracion, SDB

Festive

1. A - ko, i - kaw, — ki - tang ta - nan ma - nag - su - on; — Sa -

13 kop sa da - kong pa - mil - ya — sa Diyos — Gi - pi - li. — Gi - pang - ga. — Gi -

19 ti - gom ki - ta — sa gug - ma. — Gi - tud - lu - an ki - ta pag - ta - wag, Sa Diyos nga a - tong A - ma - ha -

25 n. I - sang - yaw ta sa ka - li - bu - tan, I - sang - yaw — ang ka - ma - tu - o - ran, I - sang - yaw

30 ta ang i - yang ka - a - yo, I - sang - yaw ta ang i - yang ga - hum, — I - sang - yaw ta nga ma - li - pa -

35 - yon, I - sang - yaw ta ang a - tong pag - la - um, I - sang - yaw ta nga ang Diyos u - ban ka - na - to — sa

40 A^b B^b7 E^b **2** **C** E^b A^b E^b
 ad-law nga ta-na - n. 2A - ko, i-kaw, ki - tang ta- nan gi-tug - ya - nan, —

48 B^bm E^b7 A^b B^b G^m C^m A^b B^b
 — Sa ta - has nga i - ya sa Diyos — Gi - ha - git. — Gi - pa-da-la. Gi -

55 G^m C^m A^b E^b F^m
 hi-mo ki-ta nga sak - si. — Gi-ha - ta-gan ki-ta'g ka-i - sug, — Sa pag - i-ngon nga si

60 B^b7sus B^b7 **D** A^b B^b
 Kris - to bu - hi pa — I - sang - yaw ta sa ka - li - bu - tan, I - sang - yaw

64 G^m C^m F^m B^b E^b
 — ang ka-ma - tu - o - ran, I - sang - yaw ta ang i - yang ka - a - yo, I - sang - yaw ta ang i - yang ga - hum,

69 B^bm A^b/CD^b E^b A^b B^b G^m C^m
 — I - sang - yaw ta nga ma - li - pa - yon, I - sang - yaw ta ang a - tong pag - la - um, I - sang - yaw